

屈  
414.0  
6365  
4



丹臺玉案卷之四

明新安休邑後學孫文胤對薇父叅著

嶧峨縣今友生游士進旂揚父較正

平湖縣庠盟弟俞允昌爾迪父

全閱

仁和吳澤兄 有緒武卿父

諸血門

吐血 便血 尿血 血汗 血澹  
鼻血 五竅出血

血乃水穀之精化於脾。生於心。藏於肝。布於肺。施於腎。善調攝者。不妄作勞。則血之運於身者。無一息之停。自然肌膚潤澤。筋脉和暢。何病之有。後生少年輩。

丹臺玉案

四卷

恃其壯盛。恣情酒色。而貧穿勞苦之人。又不暇自惜。涉遠負重。奔走於衣食。而無日夜之安寧。其能不傷於血乎。傷於上部。則胃臆痛。傷於中部。則兩脇中脘痛。傷於下部。則小腹痛。由是吐血。衄血。便血。尿血之病作矣。夫吐血與衄血無異。但所出之經不同。而要之皆暴於脾也。脾能裹血。不能使血之不升。胃火上蒸。則血從口出。肺火上騰。則血從鼻出。然有輕重之差焉。衄血太甚。始於吐血。無異不甚不足為慮也。至於吐血。雖不甚。而實為可畏。用藥者其可以混施耶。

夫吐血固甚於衄血矣。而就其吐血言之。則亦有輕重。如一咯一塊者。胃口血也。其所從來者近。痰中見血色如瑪瑙而成塊者。亦胃口血也。其所從來者亦近。二者勢若可畏。而猶可調理。法當任其自出。又必看其色不鮮者。舊血也。勿以藥止之。其色鮮者。新血也。所積者必不甚多。宜以藥止之。蓋舊血終不歸經。不任其自出。及於增劇。新血終當歸經。若所出者多。則損人矣。故宜藥止之。以引血歸經。此皆可以調理而愈者也。若痰中見血。或一點之小。或一絲之細。語其勢若無可畏。而病根反深。此血非胃口之血也。乃從肺臟中來。肺爲虛火所逼。血從痰出故也。其所出者亦少也。蓋肺臟以氣爲主。本多氣而少血。是以以枯而無以領一身之氣矣。所害不亦大乎。至於五竅出血者。勢如潮湧。耳目口鼻一齊逆流。藥不及煎。針不及下。或在頃刻間。此猶血症之至極者也。醫者豈可無急治之法。若夫滲入腸間。從下部而出。則爲腸風。爲膿毒。爲溺血。其病易治。非若上焦之血也。又

有從汗孔出者。為肌衄。從舌出者。為舌衄。從委中穴出。為膈血。皆有治法。諸血見若身熱。脈大者難治。是火邪熱甚也。身涼。脈淨者易治。是正氣復也。治法未見血。則宜消宜和。既見血。則宜涼宜止。舊血未盡。則化其血。新血未盡。則補其血。因其勢之輕重。而為緩急之施。則無不中矣。若婦人崩漏。女子月信。則自見本科。而此不及載云。

脉云

失血之症。脉皆見芤。芤在何經。血亦從何經。只宜微

丹臺玉案

四卷

三

危。細。不宜浮大。訣云。鼻衄吐血沉細宜。忽然浮大必傾

立方

涼血抑火湯

治吐血衄血初起。氣盛上逆。不能下

降歸經。

當歸

赤芍

各二錢

大黃

三錢

黃芩

黃連

丹皮

生地

川芎

各一錢五分

燈心三十莖。臨服加藕汁半椀。

必勝飲

治男子婦人血妄流溢。或吐或咳。衄血并

皆効驗。

生地

當歸 各三錢 川芎 一錢 蒲黃 炒黑二錢

小薊 取汁半酒格

加烏梅五箇空心服

茜根散 治吐血衄血錯經妄行并婦人月信不止。

茜草

阿膠 各二錢蛤粉炒 側柏葉 炒過一錢

生地

甘草 黃芩 各一錢五分

加童便半酒格温服

犀角地黄湯 治怒氣傷肝積熱不散鬱於經絡隨

丹臺玉案

四卷

四

氣湧泄為吐血衄血便血等症并各經宜加錄後。

懷生地

犀角

丹皮

赤芍 各二錢

加童便半椀空心服 心經血加麥冬黃連 肝

經血加青皮黃芩 脾經血加百合白芍 肺經

血加百部天冬山梔 腎經血加知母黃栢玄參

青蒿 膽經血加柴胡竹葉 胃經血加乾葛大

黃 心胞絡血加茅根丹皮 大腸經血加槐花

地榆 小腸經血加山梔側栢木通 膀胱經血

加茅根牛膝 三焦血加地骨皮黃芩 吐血不

止。陳棕灰炒黑荆芥穗。蓄血不消。加桃仁大黃。

四生丸 治血熱妄行吐咯不止。

生栢葉 生荷葉 生地黃 生艾葉 各等分

四味共搗極爛。丸如芡實大。每一丸。白滾湯下。

保真神應丸 治男婦吐血。咳嗽氣喘。痰涎壅盛。骨

蒸潮熱。面色痿黃。目瞶面熾。睡臥不寧。服之神效。

遼五味 揀淨一觔 杜仲 薑汁炒 阿膠

白朮 各二兩 貝母 白茯苓 花椒目

荷葉 煨灰存性 懷生地 各四兩用栢子仁三錢砂仁二錢絹袋盛之入生地同煮

丹臺玉案 四卷 五

揀去栢子仁砂仁

右為末。以黑棗肉。同地黃汁搗為丸。每服三錢。空

心白滾湯下。

急濟飲 治吐血如泉之甚。一服立止。

小薊 搗汁 童便 磨墨汁 藕汁 各半

沉香 磨一錢

作二次緩緩呷下。

神寶飲 治風邪入於胃經。下血鮮紫。及腸胃濕

下如豆汁。

蒼朮

白朮

人參

各五錢

茯苓

當歸

白芍

川芎

槐角

炒黑各一錢五分

升麻

一錢

水煎食前服。

槐花散

治腸風臟毒下血。

扁栢葉

炒黑

槐花

枳殼

炒

荆芥穗

炒黑各等分

右為末。每服三錢。空心白滾湯下。

對金飲 治大腸下血。

黃連

槐花

蒼朮

各一錢二分

丹臺玉案

四卷

六

甘草

白朮

厚朴

枳殼

陳皮

藿香

當歸

各一錢

升麻

八分

水煎食前服。

栢灰散 治臟毒下血。諸藥不効。

側栢葉

取發春。東夏。南。秋。西。冬。北。煨。灰。存。性。

每服二錢。空心滾湯調下。

仙露飲 治小便出血。

生地

蒲黃

黃連

各二錢

升麻

八分

小蘗

旱蓮草

川芎

各一錢

水煎空心服。

又方

當歸

川芎

各一錢五分

益母草

阿膠

人參

劉寄奴

龍膽草

荆芥穗

各二錢

水煎温服。

固元湯

治血從毛孔中出各名曰血汗此元氣不足。

人參

五味子

各五錢

黃耆

甘草

棗仁

各二錢

水煎温服。

丹臺玉案

四卷

七

又方

治血汗初起。

人中白

二錢

人參

一兩

麝香

半分臨服加入

水煎温服。

靈秘散

治偶然抓傷血絡血出不止各名曰血潛若

不急救血盡卽危。

糞桶箍

煨灰三錢

胎髮

煨灰一錢

煮酒餅上紙

煨

右爲末和勻摻上卽止再服犀角地黄湯。

方見前

寸金散

治鼻衄不止。

黃藥子

五錢

土馬糞

五錢

有足者生占尚上多有之

生甘草 一錢

右爲末。每服二錢。新水調服。

又方 伏龍肝半升。以井花水大碗。淘取汁和頓服。

又方 薑汁飲之立止。吐血亦妙。

又方 頭髮燒灰。吹入鼻中卽止。

五竅出血。以井花水當面連噴幾口。急分開頭髮用

草紙數層蘸醋令透。搭在顛門。其血卽止。

諸虛門

諸虛先要辨陰陽血陰而氣陽也。有暴虛而無傷損

丹室玉案

四卷

八

者易復。有虛而虧損者亦可補益。惟久虛而傷壞者。必保養僅可半愈。多汗又形肥而面浮白者。陽虛形瘦而面蒼黑者。陰虛。男子久病氣口脉弱則成。強則生。女人久病人迎脉強則生。弱則成。虛症必食少神昏遺精潮汗。痰嗽腰背胛脇筋骨痛。但見一二症。便是陽損。自上而下。一損於肺。則皮聚而毛落。二損於心。則血脉虛少。不能榮於臟腑。婦人月水不通。三損於胃。則飲食不能消。不爲肌膚治。宜辛甘。若淡於胃。則不可治矣。陰損自上而下一損於腎。則骨痿不

能起於床。二損於肝。則筋緩不能自收持。三損於脾。則飲食不能消尅。不爲肌膚。治宜酸苦。若鹹過。脾則不可治矣。大要。心肺損而色憊。汗多者爲陽虛。肝腎損而形瘠。汗多者爲陰虛。經云。損其肺者。益其氣。損其心者。補其榮。血損其脾者。調其飲食。適其寒溫。損其肝者。緩其中。損其腎者。益其精。古庵云。肺脾主氣。肺惡寒。而脾惡濕。則溫寒燥濕之藥。是補肺脾。而瀉心腎也。心腎主血。心惡熱。而腎惡燥。則清熱潤燥之藥。是補心腎。而瀉肺脾也。要之陰陽損傷。皆水火不濟。火降則血脈和暢。水升則精神充滿。或心腎俱虛。或心脾俱虛。或肺腎俱虛。或五臟俱虛。但以補和心腎爲主。兼養脾胃。則飲食進。而精神氣血生矣。

其脈云

虛人脈多弦。弦濡大而無力者。爲氣虛。沉微無力。爲氣虛甚。多在右手上見。脈弦數而無力。爲血虛。脈清而微。爲血虛甚。此多在右手上見。或寸微尺大而緊者。血虛有火。

立方

十全大補湯 治氣血兩虛并病後虛極者

人參 黃耆 茯苓 白朮 各二錢

芍藥 當歸 川芎 熟地 各一錢五分

甘草 肉桂 各一錢

棗二枚 薑三片煎服

八珍湯 治氣虛血少四肢無力

生地 當歸 川芎 芍藥 各二錢

人參 白朮 茯苓 甘草 各一錢

棗二枚煎服

丹臺玉案 四卷

黃耆湯 治五臟虛寒四肢消瘦皮毛枯澀津液不

通脈氣微弱

黃耆 白朮 人參 生薑 各三錢 五錢

附子 肉桂 各二錢

棗十枚煎服

補中益氣湯 治中氣不足勞倦傷脾四肢乏力飲

食少進久泄不止

當歸 黃耆 人參 白朮 各二錢

陳皮 柴胡 升麻 甘草 各八分

麥蘆煎服。

滋陰抑火湯

治血虛火盛朝涼晚熱精神減少

臥不穩。

當歸

三錢

知母

麥門冬

天門冬

地骨皮

丹皮

各二錢

棗仁

柴胡

天花粉

人參

各一錢

燈心三十莖。食遠服。

六味地黃丸

治腎氣虛弱脾經不和一切損傷虛

煩骨蒸。

丹臺玉案

四卷

七

山茱萸

山藥

各四兩

熟地

八兩

澤瀉

丹皮

茯苓

各三兩

右為細末。煉蜜丸。每服三錢。空心服。

生脉散。治虛損之人。口苦咽乾。脉息微弱。不時可

以當茶飲之。

人參

遼五味

麥門冬

去心各二錢

水煎溫服。

古庵心腎丸

治水火不濟。心神恍惚。血虛氣弱。寒

熱往來。

生地 熟地 山藥炒 茯苓

石斛 枸杞 龜板羊酥炙 牛膝

丹皮各二兩炒 黃連酒炒 鹿茸各一兩炙

當歸 澤瀉 黃柏鹽水炒 甘草各一兩五錢

右爲末蜜丸每服三錢空心鹽湯下

虎潛丸 治真元不足榮衛不調氣血虧損陽事痿

弱

黃柏 知母 熟地黃 龜板各三兩

虎脛骨一對 鎖陽四兩 當歸 陳皮

丹臺玉案 四卷 十一

白芍 牛膝各二兩

右爲末以羊肉爲丸每服四錢空心滾湯送下

固本保元丸 治諸虛百損精血不固元神不足四肢乏力肌肉消瘦朝涼暮熱夢寐遺精陽事不舉

人參 茯苓各三兩 紫河車二具 枸杞

五味子 知母 鎖陽 仙茅

當歸各二兩 生地四兩 黃耆 杜仲各一兩

天雄一枚 甘草八錢

石爲末蜜丸每服三錢空心鹽湯下

補天膏 治腎氣不足。下元虛乏。臍腹疼痛。脚膝  
弱肢體倦怠。面色痿黃。腰疼背脹。

雲木 當歸 生地 牛膝

沉香 各三兩 人參 沙參 天門冬

阿膠 山茱萸 核桃肉 龍眼肉 各四兩

紫河車 二具 黍米金丹 一粒即小兒出世口內大血珠

右為咀片。以桑樹柴文武火煎熬成膏。不時可服。  
天王補心丹 治心經血少。神思倦怠。恍惚易忘。并

讀書人燈窓刺苦至瘵。久服之亦令人聰明。

丹臺玉案 四卷 三

白茯苓 人參 玄參 遠志肉

丹參 桔梗 各一兩 當歸 遼五味

麥門冬 天門冬 生地 栝子仁

酸棗仁 各二兩

右為末。蜜丸。硃砂為衣。每服三錢。空心白滾湯下。

癆瘵門 附夢遺鬼交 盜汗自汗 骨蒸朝熱

癆者勞也。猶妄作勞以成病也。從病從勞。故名曰癆。  
勞力負重則傷血。而氣亦重傷。然精猶未傷也。勞力  
以行房則傷精。而血氣其能以獨不傷乎。或勞力以

負重而復勞力以行房。更失於檢束而不避風寒。侍其強壯而縱欲麩藥。則精神與血俱傷。而真元剝削。風寒麩藥交次。而虛火易熾。病根日深。病已不可拔。猶不知戒。而肆情逞慾。則心肝肺腎損矣。心損則精神不守。恍惚。肝損則失血少睡。面白無色。肺損則聲音低小。言語不續。腎損則腰膝軟弱。小便短數。而虛損之症成矣。虛損者。癆瘵之始。癆瘵者。虛損之終。由勞傷而成虛損。由虛損而成癆瘵也。癆瘵之爲病也。有咽乾喉癢。頰嗽而無痰者。有哮喘滿急。氣壅而不丹臺玉案

得眠者。有痰中見血。一咳而卽出者。有面常類熱。忽灑淅而似寒者。有胃前如火。而兩足冰冷者。有腰疼背痛。而筋骸無力者。總屬於虛。至於夢遺鬼交。盜汗自汗。骨蒸潮熱。又屬非虛之所致耶。究而言之。夢遺鬼交。虛不暇言矣。然何以有是夢。有是交。而又有是精耶。蓋夢者心之神也。鬼者肝之覓也。精者腎之液也。心之火。君火也。肝腎之火。相火也。相從君之令者也。君火一動。相火從之。而夢遺鬼交之病起矣。盜汗自汗。虛不暇言矣。然均之爲汗也。何爲而有盜與。自

之異耶。蓋盜汗者。睡去卽出。醒來卽收。盜之偷竊耳。其虛騫而惟恐人知。故有盜汗之名焉。而求其所屈之經。則猶於心氣之不足。汗者心之液也。心氣不足。則神不守舍。而液無所攝。故睡中出汗。一驚覺之間。則心神漸定。故汗亦收也。自汗者。無睡無醒。自然濡濕。故有自汗之名焉。較而論之。則自汗爲甚。是何也。蓋盜汗本於心虛。而其真元猶未盡虛也。自汗則真元耗散。轉理皆開。肺失統氣之權。不能固表。故毫竅疎豁。汗流不禁。豈不大可畏哉。若汗出如膏。凝而不

流者。乃真元盡洩於外。而生氣以絕。厥期至矣。骨蒸潮熱。虛不眠言矣。然何以使熱之蒸於骨耶。蓋骨之所屬者腎也。腎實則寒。腎虛則熱。骨熱龍火大旺。煎熬真陰。真陰既竭。熱無所容。流入於骨。故成骨蒸。骨蒸既久。上蒸於額。額赤而熱。則不救矣。蓋額者骨之本也。骨本一枯。則腎經已絕。厥期至矣。又有喉啞一症者。百無一生。傳尸一症者。九死一活。相思一症者。無藥可治。或平素有漏瘡。及下部忽生腫毒。與夫脾虛發腫。泄瀉者。皆難治之症也。

脉云

凡男子尺脉虛數。而寸沉微者為癆。女子寸脉虛數。而尺沉微者為癆。要之癆瘵脉數或濇細。如潮汗咳。血肉脫者。疽。

立方

滋陰抑火湯

治陰虛火動盜汗發熱咳嗽吐血身

熱脉數肌肉消瘦酒色過傷已成癆瘵者。

知母

人參

黃栢

天冬

麥冬

各一錢

貝母

生地

當歸

丹臺玉案

四卷

十六

白芍

白朮

各一錢五分

煨薑灰

八分

加燈心三十莖温服。

保真飲

治勞思虛損。妄泄真元。陰虛火動。痰喘氣

急咳嗽吐紅。

遼五味

當歸

白朮

酸棗仁

紫河車

石斛

玄參

沙參

各一錢

紫苑

山梔

炒黑各二錢

人參

三錢

加童便一椀煎服。

驚甲地黃湯

治虛癆手足煩熱。心下怔忡。及婦人

血室有乾身體羸瘦飲食減少。

天冬

麥冬

鱉甲

白朮

人參

白茯苓

柴胡

甘草

各一錢五分

肉桂

熟地

石斛

秦艽

各一錢

水煎溫服。

河車回天丸

治咽喉乾嗽灑淅似寒腰膝酸疼日

晡頰赤頭眩眼花吐血喘逆飲食少進肢體羸

人參 一兩

紫河車 一兩

具附子 八錢

當歸

白朮

鬼絲子

杜仲

知母

丹臺玉案

四卷

七

黃栢

各二兩

秋石

丹參

貝母

阿膠

白芍

遼五味

各一兩二錢

右為末煉蜜為丸每服三錢空心白滾湯送下

參附接命膏

治癆弱喉音啞者飲食不進肚腹疼痛

痛

人參

八兩

大附子

八兩

右為麤末將天鷲油二觔浸半月慢火熬至焦黑

絞去渣再熬至滴水成珠再入東丹一觔慢熬成

膏待溫加入麝香五錢攤紵絲上貼在丹田處連

臍內服河車回天丸。癆瘵將危貼此回生。

醫化紫金丹 治肺熱咯血癆嗽不止

川貝母 天花粉 紫參 玄參

款冬花 蜜蒙花 紫花茸 各五錢

半黃 八分 青礞石 海粉 黃芩

甘草 桔梗 各三錢

右為極細末。煉蜜六兩為丸。如芡實大。每一丸噉。

化潤

濟陰丹

治酒色過度怒氣傷肝陰虛火動咳嗽吐

丹臺玉案

四卷

大

痰咯血盜汗並皆治之

紫苑 麥冬 遼五味 各四兩

人參 二兩 知母 青蒿 各三兩 紫河車 二具

右為細末。以陳荷葉煎湯為丸。每服三錢。空心白

滾湯送下。

癆蟲治法 蓋因初起病癆之人。先為癆蟲所食。

臟而灰。既灰之後。五臟皆冷。蟲不能居。從鼻而出。

臭乃肺之竅。癆乃肺之病。故從其竅而出。其色赤

無翼而能飛。或有不見而着人者。以骨肉尋骨肉。

以同氣覺同氣。無藥可治。惟久人身上蛆。食之以絕其傳染。恨人不知。知者亦以臭穢而不用。其外無治法矣。

抽胎換骨丹

治虛癆補元氣。固精壯腎。夢寐遺精。

並虛寒等症。久久服之。功效通神。

真川椒

二觔。揀去合口者。并子。新瓦上焙乾。

牛膝

一觔。八兩。酒浸焙乾。

懷生地

各四兩。懷熟地。

右爲末。不犯鐵器。煉蜜爲丸。如梧桐子大。每日空心。溫酒送下。三十九服。至五十九止。不可過服。

丹臺玉案

四卷

九

歌曰

其椒備五行。

其神通六義。

欲知先有功。

夜間且不起。

服至半載餘。

脚心汗如雨。

骨蒸及煩勞。

五臟無風氣。

明目腰不疼。

身輕心健記。

別更有異能。

三年精自秘。

顏貌若嬰童。

精爽更少睡。

但服此神妙。

一生無瘡痢。

若能志心服。

三屍自然棄。

更有九般蟲。

各各自迴避。

儻逢此色人。

第一須傳意。

雖未遇神仙。

初緣已得地。

附夢遺鬼交

夢屬心。鬼屬肝。精屬腎。君火動則相火隨。故有此症。治此症者。不獨澀其精。又必清心火。不獨清心火。又必補其虛。惟虛故火易動。惟火動故精易洩矣。

脉云

夢遺遺精。當驗於尺。微瀆精傷。洪數火逼。赤有心虛。左寸短小。脉遲可生。急疾便天。

立方

九龍丹 治夢遺鬼交精虛火旺久久不愈

丹壹玉案

四卷

三

當歸身酒洗 枸杞子 金櫻子 石蓮肉炒

蓮花蕊各二兩 懷熟地四兩 芡實炒

白茯苓去皮 山查肉各三兩

右為末。煉蜜為丸。每服三錢。空心白滾湯送下。

清離固精丸 治夢遺日久精神倦怠面色痿黃飲

食減少腰酸痛背脹久不育子服之神驗

黃連酒炒 車蘼 人參各二兩 鹿角霜三兩

知母青鹽水炒 秋石 牡蠣煨過 茯神去心

遠志去心 石蓮肉炒 白朮各一兩五錢上炒

右爲末以荷葉煎湯法爲丸每服三錢空心鹽酒

送下

附盜汗自汗

盜汗屬心自汗屬肺心神不守故盜汗肺氣不收故自汗久久不愈令人喪魄

脉云

汗脉浮虛或濇或濡自汗在寸盜汗在尺凡人脉帶虛弱微細者必有盜汗

立方

升臺玉案

四卷

三

斂汗育心湯

治盜汗養心血

棗仁

茯神

知母

白芍

當歸

各二錢

牡蠣

麥門冬

沙參

甘草

生地

各一錢五分

棗五枚煎八分溫服

鎮元飲

治自汗固肺經

人參 白當歸

白朮

黃耆

五味子

各一錢

山茱萸

肉桂 茯苓

麥門冬

黃柏

生地

各一錢二分

蓮肉十枚。燈心三十莖。煎八分。臨臥服。

當歸六黃湯。治盜汗自汗。

當歸 生地 熟地

黃連 黃柏 各一錢五分

棗五枚。煎八分。臨臥服。

黃芩 黃耆 各一錢

護命散。治汗如神。

枯礬 一錢 五倍子 五錢 龍骨 煨過一錢五分

右為細末。以津唾調。塞滿臍中外。用絹條紮定。

過夜即止。

丹臺玉案 四卷 三

附骨蒸潮熱

骨蒸潮熱。微有不同。骨蒸則無時而不熱。潮熱則如

潮信之來。必有定期。熱者。

立方

調榮清熱飲。治骨蒸屢驗。

丹皮 炒 地骨皮 當歸 鱉甲 酥炙

白朮 各一錢五分 黃耆 蜜炒 青蒿

知母 鹽水炒 人參 柴胡 各一錢

棗二枚。煎八分。不拘時服。

靈應飲 治潮熱

扶神 小柴胡 人參

生地

銀柴胡 黃芩 各二錢 知母

麥門冬 各一錢

棗五枚 臨服加重便一柸

諸氣門 附氣滯 附鬱

人得天地之氣以成形。形者氣之所循以寓者也。氣者形之所循於充者也。二者固相為用而亦有輕重之差焉。形病氣不病。雖羸瘦而無害。氣病形不病。雖肥壯而可憂。是形在所輕而氣在所重也。人能安養天和。使五臟之氣均得其平。則何病之有。惟內傷七情。外感六氣。而五臟之氣病矣。故心氣盛則煩燥不寧。口乾舌燥。肺氣盛則壅塞喘急。上膈煩滿。肝氣盛則暴怒時發。兩脇膨脹。脾氣盛則中脘痞塞。腹滿飽悶。腎氣盛則膀胱滿急。水道不通。皆氣之有餘者也。心氣虛則精神恍惚。夢寐不寧。肺氣虛則呼吸短淺。皮毛灑淅。肝氣虛則筋脉不和。頭空少睡。脾氣虛則飢不欲發。溏泄自利。腎氣虛則腰腦不能轉側。大便與小便前後牽引而微痛。此皆氣之不足者也。善醫

丹臺玉案

四卷

三

者調其氣而已有餘者瀉之不足者補之又豈有虛實之患乎凡本經之虛實或宜補而宜瀉然虛則補其母實則瀉其子又不可不知也

脉云

下手脉沉便知是氣沉極則伏瀯弱難治其或沉滑氣兼痰飲又曰沉弦細動皆氣痛心痛在寸腹痛在關下部痛在尺脉象顯然

立方

利氣丹 治一切氣滯心腹脹悶疼痛嘔吐酸水痰

丹臺玉案

四卷

三

涎不利頭目眩暈或下利膿血大小便結滯不快鬱結等症

沉香

木香 各二兩

黑丑 一兩半 生半熟

玄胡索

檳榔

枳殼 炒

莪朮

烏藥 各一兩

五錢

大黃 四兩

黃連 三兩

山查肉 一兩

八錢

右爲末水丸每服二錢空心白滾湯下

心氣虛則補之以炒鹽心氣實則瀉之以生甘草此本經之補瀉也然肝爲心之母虛則以薑橘補肝

脾爲心之子。實則以黃連。枳殼瀉脾。

肺氣虛則補之以五味子。肺氣實則瀉之以桑白皮。

此本經之補瀉也。然脾爲肺之母。虛則以炙甘草。

大棗補脾。腎爲肺之子。實則以澤瀉瀉腎。

肝氣虛則補之以薑橘。肝氣實則瀉之以芍藥。此本

經之補瀉也。然腎爲肝之母。虛則以地黃黃栢補

腎。心爲肝之子。實則以生甘草瀉心。

脾氣虛則補之以甘草。大棗。脾氣實則瀉之以黃連。

枳實。此本經之補瀉也。然心爲脾之母。虛則以炒

鹽補心。肺爲脾之子。實則以桑白皮瀉肺。

腎氣虛則補之以地黃黃栢。腎氣實則瀉之澤瀉。此

本經之補瀉也。然肺爲腎之母。虛則以五味子補

肺。肝爲腎之子。實則以芍藥瀉肝。

合而言之。諸氣之病。分爲五臟。五臟之病。分爲諸

症。皆不可以一節言也。此之所陳。乃補瀉之大畧。

耳。然此正藥之外。又不能無增益者焉。如炒鹽補

心。甘草瀉心固矣。而麥冬亦可以補心。黃連亦可

以瀉心。又如五味子補肺。桑白皮瀉肺固矣。而人

參亦可以補肺。黃芩亦可以瀉肺。如薑橘補肝。芍藥瀉肝固矣。而細辛亦可以補肝。黃連亦可以瀉肝。如炙甘草大棗補脾。黃連枳實瀉脾固矣。而白朮亦可以補脾。石膏大黃亦可以瀉脾。如地黃黃柏補腎。澤瀉瀉腎固矣。而杜仲亦可以補腎。茯苓亦可以瀉腎。臨病用藥。其可以執一耶。

### 附氣滯

蒼天之氣清淨不息。變為雲霧。為雷雨者。山澤濕熱薰蒸也。人身元氣導引血液升降三焦。周流四體。變丹臺玉案

四卷

三六

則為火。有升無降。以致膠乎咽膈。則為嘔咳。為痞滿。充乎臟腑。則為積聚。為瘰癧。而心腹脇肋刺痛。蓄於下焦。則為腰痛。為脹墜。流乎經絡。則週迴刺痛。多因七情飲食鬱為濕熱。成痰與積。起初宜辛溫之藥。開鬱行氣。豁痰消積。稍久即以辛平之藥和之。辛寒之藥折之。如此則火易降。氣易平。而病根可除矣。

### 立方

開鬱理氣湯

治氣鬱不散。肚腹脹滿。

香附

沉香

半夏

各一錢

蘇子

枳實

蘿蔔子

各一錢五分

丁香

大腹皮

藿香

各八分

水煎熱服。

清氣抑肝丸

治氣不消散。凝滯膈上。

青皮

桑白皮

枳殼

各三錢

檀香

山梔仁

烏藥

各一錢

半夏麴

橘紅

白荳蔻

各一錢五分

砂仁

一錢二分

加生薑三片煎服。

氣滯上焦。以橘紅。枳殼。桔梗。甘草。藿香。香附。黃連。砂

丹臺玉案

四卷

三七

仁。枇杷葉。瓜蒌仁爲主。

氣滯中焦。以木香。檳榔。山楂。枳殼。蓬朮。在兩脇。加青

皮。柴胡。龍膽草。芍藥爲主。

氣滯下焦。以沉香。茴香。川練子。荔枝核。山梔爲主。

附鬱

鬱者。結聚而不得發越也。當升而不得升。當降而不得降。當變化不得變化。則諸病生焉。然有病久不解。而成鬱。有鬱久而生病。其症有六。脉多沉伏。胃滿脇痛。脉沉澹者。爲氣鬱。周身關節走痛。首如物蒙。足重。

遇陰寒便發。脉沉滯者。為濕鬱。曾隔滿。動則喘急。起臥怠惰。寸脉沉滑者。為痰鬱。目蒙口乾。舌燥。小便赤澀。脉沉數者。為熱鬱。四肢無力。能食便血。脉沉芤。清者。為血鬱。愛酸腹飽。不能食。左手脉和平。右手脉緊盛者。為食鬱。

立方

舒鬱丸 治一切鬱症。

香附

枳實

蒼朮

各三兩

沉香

一兩五錢

宿砂

山梔仁

撫芎

紅麴

丹臺玉案

四卷

二天

半夏

各二兩

右為末水丸。每服三錢。空心白滾湯下。

氣鬱加烏藥。木香。檳榔。乾薑。枳殼。桔梗。

濕鬱加白朮。白芷。赤茯苓。木通。蒼朮。

痰鬱加南星。海石。瓜蒌仁。枳殼。桔梗。小皂莢。

熱鬱加黃連。青黛。連翹。山梔。

血鬱加桃仁。紅花。丹皮。當歸。薑汁。

食鬱加山查。麥芽。神麴。傷冷食胃脘痛。加草豆蔻。乾

薑。如春加防風。夏加苦參。秋冬加吳茱萸。

諸痛門

諸痛之症種種不同。其患有周身骨節。肩背手臂。脊脊。春腰肋。心膈小腹之殊。其致疾之由。有風寒濕熱燥。火痰血積氣之異。如週身遍體無所不痛者。此有火。或飲酒之人。素有濕痰停積於內。又爲風寒邪氣所。侵。以至痰不能周流疎利。畱蓄於經絡關節之間。日久凝滯不散。鬱於肩背項脊。腰肋手臂等處。不腫則。痛。須令人按之摩之。則熱氣至而痛止。故今之背痛者。痰滯也。必搥打千百。而後散可知矣。不然則爲痰。爲涎爲飲三者之症。蓋濕邪上浮於肺。隨氣壅嗽。發。動。則名爲痰。濕邪聚於脾。隨氣溢於口。氣流出不禁。則名曰涎。至於胃爲濕邪所乘。而爲吐爲嘔爲噦。則。各曰飲。此又不可不察。然大要以勝濕消痰。順氣和。血養脾爲主。外此又有飲食之後。爲冷氣所傷。而發。熱身痛。此傷食身痛也。宜消導之。六脉浮緊。莫塞身。重頭痛氣。發熱身痛者。此傷寒傷風身痛也。宜解。表之。如病後汗下而身痛者。此氣血虛也。宜調補之。至於頭痛頭風。以發散爲主。心痛卽胃脘痛。有舊人。

有容寒。有積痰。以開鬱化痰為主。其腹痛腰脇痛宜  
 溫經散寒。熱濕為要。若飲食過多。內傷脾氣者。宜消  
 導之。又如小便作痛者。須問小便利不利。小便利者  
 是蓄血。小便不利者。是溺澀。有卒然大痛者。是感寒。  
 時痛時止者。是火。若婦人小腹為衝任之海。一遇寒  
 冷。則血氣凝結。為之擊搏。而作痛。得溫煖。則氣和通  
 而痛自止。又有胞絡之間。陰戶之中。為房事所傷。或  
 外寒鬱遏。亦能作痛。腎尖盡處。又有所謂尻骨痛。有  
 痰。有血。虛。瘀。血。不同。學者宜詳審之。

丹臺玉案

四卷

三子

脉云

舉要口諸痛脉多於沉伏。惟風寒頭痛脉浮而洪。

立方

獨痰湯 治周身作痛。

防風

羌活

蒼朮

木瓜

當歸

威靈仙

烏藥

生地

白芍

秦艽

川芎

各八分

各二錢

水酒各半煎服。

定疼湯

治肩背項脊痛并背心痛。此其寒痰不散。

獨活

羌活

藁本

各二錢

川芎

甘草

防風

前胡

各一錢

當歸

各五分

陳皮

肉桂

蘇子

各八分

酒煎溫服

拂疼飲

治手臂腫痛皆因濕痰濕火或風寒凝滯

不散

烏藥

南星

僵蠶

川芎

麻黃

各二錢

蒼朮

桂枝

白朮

橘紅

各一錢

竹瀝

一椀

丹臺玉案

四卷

三

水煎溫服

活絡飲

治肢節疼痛

當歸

川芎

白芍

酒炒

半夏

薑礬製

南星

桑寄生

秦艽

生地

蒼朮

炒各一錢五分

臨服加酒一椀

降氣湯

治胃膈作痛脹悶喘急飲食難進

木香

當歸

蘇子

生地

各二錢

宿砂

丁香

山查

青皮

積殼 大腹皮 各一錢

水煎温服。

手拈散 治心腹腰脇兩肋疼痛并瘀血凝滯。

草菓 玄胡索 五花脂 乳香

沒藥 沉香 阿魏 各五錢

右爲末每服二錢煮酒調送下。

通達飲 治小腹脹痛溺澀不通內有蓄血結聚

當歸 桃仁 去尖 大黃 酒煨 猪苓

澤瀉 木香 各二錢 附子 滑石

丹臺玉案 四卷 三一

玄胡索 各一錢二分

加燈心三十莖食前服。

立効飲 治婦人爲房事所傷陰戶內脹疼難忍一

服立瘥。

川芎 當歸 玄胡索 丹皮

薑黃 大茴香 紅花 各一錢五分

桂心 秦艽 赤芍 各八分

臨服加煮酒一鍾。

瀉氣飲 治刺痛皆因心事憂鬱不得舒暢而作痛

如刺。

白檀香

沉香

烏藥

桔梗

各一錢五分

香附

白芷

薤白

宿砂

蒼朮

各二錢

水煎温服。

頭痛門

頭居身體之上。為諸陽之會。其位至高。猶山之有巔。木之有杪也。風之起也。愈高而愈狂。山巔木杪先得之。故雲行如飛。葉落如雨。皆風使之然也。頭居上體。

丹臺玉案

四卷

三三

為風之所先及。然以其會乎諸陽。而不畏寒。故人多忽之。而不知所避。風邪一入。頭即痛焉。是以頭痛之症。風痛居多。夫風何以能痛也。蓋風之為物也。善行而數變也。其性易入。其氣易感。頭之諸陽內聚。而拒風。風之勢內外攻。以抗陽。風與陽相爭。兩不肯伏。交戰。至於高之分。而頭之諸經始病矣。以諸陽之強。且不能以勝風。而況以諸陰乎。其有氣虛血虛。而作痛者。雖係本原之不足。而實風之為病也。蓋虛之所。邪必襲之。使無風之入。惟覺眩暈而已。何以作痛耶。

但其氣血已虛。無力拒風。風雖入而不與爭。故其痛亦不甚也。其有飲食不消。痰涎湧上。而作痛者。非風之罪也。宜審而治之。

脉云

內經曰。寸口脉短者。頭痛也。脉經曰。陽弦頭痛。定無疑。脉訣云。頭痛短澹。應須灸。浮滑風痰。皆易治。

立方

清巔抑火湯

治血虛頭痛並偏正頭風。

藁本

當歸

生地

川芎

各二錢

丹臺玉案

四卷

三語

防風

蔓荆子

黃連

石膏

白芍

白芷

各一錢

加蔥白五枚。生薑三片煎服。

千金一笑散

治諸般頭疼並一切頭風。

北細辛

人參

秦艽

甘菊花

各一錢五分

白芷

甘草

當歸

薄荷

各二錢

蔥白五枚煎服。

空青散

治偏正頭痛年深日久不愈者。並療風寒

濕熱頭上及腦痛。惟血虛者不宜服。

川芎 五錢 柴胡 七錢 黃連 酒炒 防風

羌活 各一兩 甘草 一兩 黃芩 三兩 一兩半生

右為細末。每服二錢。以清茶調下。

羌活附子湯 治寒冬犯腦痛及齒痛名曰腦風。

麻黃 大附子 防風 白芷

白僵蠶 各六分 黃柏 蒼朮

黃耆 佛耳草 甘草 各一分 升麻 三分

水煎溫服。

點眼丹 治一切頭痛心腹絞痛又治攪腸沙盤腸

丹臺玉案 四卷 三五

氣痛疝痛。

牙硝 二錢 麝香 硃砂 雄黃 各五分

右為細末磁磬收貯臨病以銀簪蘸藥點兩眼內。

立時取効。

靈速散 治一切頭痛立愈。

細茶 一兩水二鍾煎 白芷 細辛

牙皂 紫蘇 薄荷 各三錢

煎七分食後服。

風入太陽經則髮際痛脉浮緊惡風寒以羌活為君。

川芎升麻白芷防風甘草爲佐。

風入陽明經則額前痛兼鼻痛脉浮緩發熱惡寒以白芷爲君羌活升麻川芎防風爲佐。

風入少陽經則兩鬢間及額角痛脉弦往來發熱以柴胡爲君川芎升麻羌活白芷爲佐。

風入少陰經則頭骨緊痛以細辛爲君獨活防風黃栢白芷爲佐。

風入厥陰太陰之交則頂巔痛以藁本爲君升麻川芎牙皂甘草爲佐。

丹臺玉案

四卷

三六

### 頭眩門

頭痛之外又有頭眩雖無痛苦而精神眩耀所見之物皆顛倒搖動身如浮雲足如履空飲食下咽卽吐胃中怏怏眼花不定乃其症也此爲風動肝木根本皆搖捲痰上升迷亂清氣故耳。

### 脉云

左數熱多瀉乳瘀血右實痰積火盛凡脉溢大者必

眩

### 立方

定眩飲 治頭眩眼花。

明天麻

青皮

薄荷

柴胡

半夏

各二錢

山茱萸

龍膽草

枳殼

黃連

各錢

水煎溫服

和榮湯 治氣血兩虛頭眩。

人參

當歸

白朮

生地

天門冬

麥門冬

五味子

各二錢

水煎溫服。如有痰加生薑汁竹瀝。

丹臺玉案

四卷

三五

止旋飲 治冒雨中濕。實火上炎。頭眩不可當者。

大黃

酒炒五錢

吟茶

八錢

枳實

三錢

生薑七片煎服。

咳嗽門

附哮喘

附喘

有聲無痰之謂咳。有痰無聲之謂嗽。有聲有痰者各曰咳嗽。然謂無聲者非全無聲也。咳而易出。聲之不易響也。謂無痰者非果無痰也。嗽而費力。痰之不易出也。分而言之。咳為在肺。嗽為在脾。合而言之。肺與脾迭相為用。而又互相為害者也。使肺不受熱。則化

氣自清。亦可以利脾。而何至於生痰。脾不受熱。則游  
溢清氣。自足以滋肺。而何以至於成嗽。此肺與脾之  
互相爲害也。由是觀之。則脾肺雖分二經。而咳嗽總  
爲一病。病之所由成。皆火之所致也。雖然。火固能致  
病矣。而亦有得於外。或傷於風。或傷於寒熱。如此之  
類。種種不同。亦皆歸咎於火乎。殊不知始之者。風寒  
與熱也。而成之者。火也。內外夾攻。病斯成焉。而不可  
以一端求也。然此特論夫咳嗽之由耳。而咳嗽之名。  
非一言之所能盡悉。而數之有火痰嗽。濕痰嗽。鬱痰  
嗽。頑痰嗽。清痰嗽。風寒痰嗽。酒食痰嗽。乾咳。嗽。時行  
嗽。瘀血嗽。與大肺脹嗽之異焉。而諸嗽之形症。又何  
以別之。蓋火痰嗽者。嗽必面赤。聲多痰少。用力久而  
後出。脉數喘急是也。濕痰嗽者。喉中漉漉有聲。嗽而  
易出者是也。鬱痰嗽者。胃臆脹滿。連嗽不出。喉中有  
喘聲。夜不得眠。上飽下餓者是也。頑痰嗽者。膠住咽  
喉。咯不能出。必努力大嗽。而後出少許。如脂膏之狀  
者是也。清痰嗽者。必待嗽而後出。其痰不稠粘者是  
也。風痰嗽者。肺氣壅盛。必頓嗽而後出。其痰浮而有

沫狀如津唾而畧稠粘者是也。寒痰嗽者得於秋冬之交。或爲冷雨所淋。或爲冷風所侵。或露臥星月。或寒天入水所致。其嗽必哮喘。而或肩背覺寒。得熱湯飲之則緩者是也。酒痰嗽者。醉後感冒風熱。腹中有酒積。飲濁酒卽發者是也。食積痰嗽者。每食後則嗽。胃膈不寬。其痰稠粘。覺有甜意。面上蟹爪路。一黃一白者是也。乾咳嗽者。平素陰血不足。虛火有餘。喉中常癢。癢卽頓嗽。有聲而無痰是也。時行嗽發。寒熱鼻塞。氣急。瘀血嗽。喉間常有腥氣。肺脹嗽。動則喘滿。氣丹臺玉案

四卷

二

急。或左或右。眠不得者。此痰與瘀血碍氣而病也。又有嗽而兩脇痛者。名曰肝咳。有嗽而腰軟痛者。名曰腎咳。有嗽而中脘作痛者。名曰脾咳。有嗽而鼻流清涕者。名曰肺咳。有嗽而口苦舌乾者。名曰心咳。又有嗽而遺尿者。氣虛也。又有嗽而五心煩熱者。血虛也。凡治病者。當精詳而審之。

脉云

肺脉實者。浮大有力。若沉而滑。則痰氣盛也。虛者。弦洪無力。若沉而帶數。則火鬱也。大要。浮大者生。沉伏

匿者不治。

立方

哮喘抑火湯

治肺火上炎咳嗽痰多午後面赤。

知母

瓜蒌仁去油 貝母各二錢 玄參

麥門冬

黃芩 天花粉 山梔仁

枳實

各一錢 竹茹 桔梗各八分

生薑三片煎服。

開鬱降痰湯

治鬱痰咳嗽胃脇脹懣並積痰咳嗽。

杏仁

去皮尖 枳殼 黃芩酒炒 蘇子炒各一錢

丹臺玉案

四卷 四

桔梗

炒 香附童便製 貝母去心 瓜蒌仁去油

山查

各二錢 甘草二分

燈心三十莖食後服。

保肺飲 治久患咳嗽肺金衰弱上氣喘急口乾喉

啞痰中帶血絲或咯出鮮血或痰如灰色將成肺

痿

知母

天門冬 五味子 川貝母

杏仁

各一錢 天花粉 麥門冬 紫菀茸

款冬花

百合 桔梗 蘇子

阿膠各八分

木煎溫服

清氣化痰湯

治酒色過度咳嗽不止兩肋疼痛

人參

沉香

青皮各八分

甘草二分

知母

桑白皮

地骨皮各一錢五分

五味子廿二粒

蘇子

半夏薑礬製

麥門冬各一錢

水煎食遠服

蘆吸散

治寒痰凝結肺經喘嗽氣急午後發寒

肉桂

明雄黃

鶯管石

款冬花

丹臺玉案

四卷

四十一

粉甘草

各等分

右為極細末以蘆管挑藥輕輕合之吸入喉內徐

徐以清茶過口

保真湯

治微微乾嗽骨蒸盜汗四肢壯熱飲食心

進氣虛血虧損

生地

熟地

黃耆

扶參

地骨皮

白木各六分

柴胡炒下

黃柏

橘紅各五分

五味子廿五粒

甘草二分

天門冬

知母

麥門冬

知母

白茯苓

各八分

水煎食遠服。

喻化潤金丹 治諸般咳嗽。久久不愈。此丹能清氣

化痰。生液保肺。滋陰降火。止嗽定喘。

玄參

貝母

款冬花

麥門冬

各五錢

牛黃 一錢

金沸草

知母

各二錢

明礬砂

八分

烏梅肉

當歸

各一錢 八分

右為細末。以梨汁熬膏為丸。如芡實大。每次一丸。

噦口內潤化下。

華蓋飲

治肺感寒邪。咳嗽聲重。胃膈脹滿。頭目昏

丹臺玉案

四卷

四十二

眩。

赤茯苓

桑白皮

橘紅

蘇子

各一錢 五分

乾葛

桔梗

杏仁

各一錢

麻黃

五分

生薑三片 食遠服

團參飲子

治七情六鬱所傷。以致臟氣不平。咳嗽

濃血。將成肺痿。憎寒發熱。羸瘦困倦。

團參

膽星

半夏

甘草

麥門冬

杏仁

各一錢 二分

遼五味

十五粒

阿膠

蛤粉

紫苑

百部

旋覆花

各一錢

桑葉 經霜者 五片

牛薑五片 食遠服

如意丹 治嗽久不愈 諸火上升 口苦面赤 頑痰壅

塞氣逆口疳

青礞石 煨 過 礞砂 欵冬花 薄荷葉 各四兩

黃芩 酒炒 玄明粉 桔梗 各六錢 大黃 酒蒸九次 五錢

右為末 烏梅肉 搗爛為丸 每服二錢 白滾湯送下

參蘇飲 治肺感風邪 膈中有熱 咳嗽聲重 臭流清

涕

丹臺玉案 四卷 四十三

人參 五錢 紫蘇 桔梗 乾葛

前胡 半夏 枳殼 白茯苓

陳皮 各一錢 二分 甘草 三分

蔥頭三枝 生薑二片 不拘時服

諸嗽皆宜用桔梗 乃肺經之要藥 故不可不用 但不

可多用 以其為舟楫之劑 能上而不下 不用則不能

引藥至肺部 多用則又承載諸藥 而不能行 反能作

飽故不可多用

附哮

喘者卽痰喘也。甚而常發者。喉中有水雞聲。牽剛留背是也。

立方

四陳散 治痰哮

陳訥茶 陳薄荷 陳皮 陳紫蘇 各二錢

薑十片煎熟溫服

必勝飲 治哮症久久不愈一服卽止

半夏 枳實 各二錢 石膏 煨三錢 杏仁 去皮尖

茶葉 麻黃 瓜蒌霜 去油 甘草 各一錢

丹臺玉案 四卷 四十四

薑五片不拘時服

二仙丹 治一切哮症

沉香 一兩 萊菔子 淘淨蒸熟曬乾五兩

右爲細末生薑汁爲細丸每服八分白滾湯送下

附喘

呼吸急促之甚經曰諸逆衝上皆屬於火然火有虛實虛者氣乏身虛實者氣壯身熱凡喘未發時以養正氣已發時以攻邪爲主

立方

定喘湯 治胃虛作喘。脈氣無力。擡肩頰項喘而不

休。

麥門冬 去心 人參 各二錢 遼五味 廿二粒 麻黃 五分

白木 土炒 杏仁 去皮 陳皮 葶藶子 各一錢

加黑棗二枚。食遠服。

二母湯 治水喘。水氣。轉轉有聲。怔忡者。

遼五味 黃栢 酒炒 知母 鹽酒炒 貝母 去心各二錢

加黑棗二枚。食遠服。

半喘湯 治火喘。乍進乍退。得食則減。食已復喘。

丹臺玉案

四卷

四十五

蘇子 炒 黃芩 酒炒 枳實 各二錢 山梔仁 炒黑

桔梗 炒 杏仁 去皮 瓜蒌仁 去油 桑白皮 各一錢

加燈心三十莖。食遠服。

保肺飲 治肺氣不足。因嗽久而作喘。

白茯苓 人參 金沸草 麥門冬 去心各一錢

遼五味 廿二粒 阿膠 蛤粉炒 紫苑 各二錢

水煎溫服。

紫金錠 治一切痰喘。食喘。氣喘。水喘。惟火喘不可。

用薑湯磨服二錢。方見痰症門。

三拗湯 治外感風邪。並多服參耆發喘。

麻黃節

不去皮

杏仁

各二錢

生甘草

一錢

生薑三片。黑棗二枚。煎服。

嘔吐門

附翻胃

嘔者有物在中。其所來之道遠。故必嘔而出也。吐者亦有物在中。其所來之道近。故一吐而卽出也。分而言之。微有不同。合而言之。同歸於火。飲食痰涎停積。不化。胃氣一升。則湧而出矣。其與翻胃相似。而實各有所屬。翻胃屬寒。嘔吐屬熱。惟其熱也。故其出也。無

丹臺王案

四卷

四十六

定時。或隨食隨吐。或食良久而後吐。隨食隨吐者。火邪急速。不及入胃。而卽出。無嘔吐之苦。無揮咯之勞。是卽吐之謂也。食良久而後吐者。火猶稍緩。必入胃餘時。委曲而出。酸苦萬狀。傷神勞精。腸捲而腹急。是卽嘔之謂也。而所出之物。亦不甚盡。惟翻也。則陰氣下結。水穀暫容。朝食則暮吐。暮食則朝吐。或朝食至午而吐。午時至暮而吐。其吐必盡。所食日。日如此。不少愆期。蓋胃家受寒。不能運化。自不容於不出。此翻胃與嘔吐所以不同也。又有吞酸吐酸者。何也。蓋飲

食入胃。胃弱不能消。而又挾肝火。是以作酸。浮飲積蓄變為酸痰。肝火升即吐。肝火降即吞。其吞與吐。皆肝火升降之所為也。故治嘔吐者。必治其熱。治翻胃者。必治其寒。治吞酸吐酸。必抑其肝。而後所投之藥。無不中矣。

脉云

關上脉滑。而大小不勻者。必吐逆。又云嘔吐無德。寸緊滑數。微數血虛。單浮帶芤。則有瘀。最忌瀉弱。

立方

丹臺玉案

四卷

四七

安胃和中退

治嘔吐。因飲食過多。一時不能消化。

胃窄不能容。又挾寒邪於內。

山香

檳榔

草菓

藿香

白荳蔻

各一錢五分

半夏

薑礬製

南星

泡過

厚朴

蘇梗

各一錢

生薑十片煎服

薑橘飲

治嘔吐乾噦。四肢厥冷。

廣橘皮

四兩

老生薑

六兩

水煎不拘時服

藿香定嘔湯 治七情傷感氣鬱於中變成嘔吐

熱眩暈不進飲食

人參 藿香 半夏 各一錢 枇杷葉 五片 蜜炙

蒼朮 二錢 肉桂 木香 橘紅

桔梗 各七分 甘草 三分

水煎空心熱服

加味二陳湯 治氣鬱傷脾飲食停胃以致嘔吐

半夏 陳皮 白茯苓 甘草 各八分

藿香梗 砂仁 厚朴 香附 各一錢

丹臺玉案 四卷 哭

山查肉 紅豆蔻 各六分

生薑五片煎服

調胃和中湯 治中脘寒痰嘔吐不止

大附子 童便 橘紅 蒼朮

青皮 草薺 子丁香 半夏 各一錢 五分

生薑十片煎服

六妙飲 治吐嘔不止口渴身熱

陳皮 半夏 薑礬 黃連 汁 梔子仁 酒炒

檳榔 各三錢 老生薑 五錢 煎服

水煎溫服。

附翻胃

立方

丁沉透膈湯

治胃氣不和痰涎阻隔翻胃嘔吐膈

噎痞塞。

沉香

丁香

砂仁

人參

蒼朮

藿香

青皮

醋炒

陳皮

半夏

厚朴

薑汁炒

香附

各八分

甘草

三分

木香

草菓

神麩

肉荳蔻

各五分

丹臺玉案

四卷

四九

生薑五片煎服。

養胃丸

治脾胃虛冷不思飲食翻胃嘔吐。

子丁香

甘草

陳皮

神麩

炒

麥芽

炒各二兩

大附子

童便製八錢

砂仁

肉荳蔻

麵包煨

白荳蔻

各一兩二錢

右為末生薑四兩煎湯法為丸每服三錢空心白

滾湯下。

虎肚團生丹

治一切遠年近日翻胃危篤之候立

扶回生。

虎肚 一具泥裝煨過

母丁香 三錢 沉香 八錢

狗寶 二錢五分

右為末。老生薑取汁為細丸。每服八分酒下。

秘方 治翻胃垂危者一服神效。

牛黃

鴉片 各五錢

狗寶 六錢

五靈脂 四兩淘淨

右為末。狗膽汁丸如芡實大。每服一九薑酒調下。

霍亂門

霍亂之症。急於風雨。心腹絞痛。腸胃并結。欲吐不吐。欲下不下。手足揮頓。滾轉煩悶。頃刻之間。而殞生安。

丹臺玉案

四卷

五十一

危係焉。蓋由平日過傷飲食。多勞多氣。一感臭穢。清氣混淆。於是陰陽不調。暢水火不升降。中氣潰亂。而病斯劇矣。邪在上則吐。邪在下則瀉。邪在中則吐瀉兼作。是皆易治者也。若不吐不瀉。則處在旦夕矣。又有轉筋霍亂者。緣筋屬肝木。脾胃暴敗。則血與氣暴截。無所接濟。故筋急而轉縮矣。此尤霍亂中之至重者也。若吐瀉則亦有可治。倘不吐瀉。必死無疑。大抵霍亂初發。不得用藥。以其氣亂。藥不能理也。

脈云

微而澀。或代而散。或隱而伏。或大而虛。洪者為熱。弦者為痛。微弱漸絕。或脈漸大者生。

立方

速驗飲

治寒暑相搏。霍亂轉筋。煩渴悶亂。

艾葉 三錢

香薷

藿香

各四錢

黃連 二錢

水煎不拘時服。

鹽水飲

治霍亂初起。以此探吐。

食鹽二兩炒乾。乘熱投水中調和。約三碗。令病人連連飲之。一吐即愈。

人連連飲之。一吐即愈。

丹臺玉案

四卷

五

漑濟湯

治霍亂。虛煩不得眠。

人參 一錢

甘草 三分

竹茹

麥門冬

半夏

粳米

各二錢

生薑五片煎服。

通脉四逆湯

治霍亂多寒。脉將欲絕。

當歸 二錢

北細辛

木通

大附子

童便 各一錢

白芍

八分

甘草 三分

吳茱萸

肉桂

各四分

藪二枚薑三片不拘時服。

正氣湯

治霍亂吐瀉不住。

陳皮

蘇葉

澤瀉

山查

蒼朮

各一錢

藿香

厚朴

薑汁炒

半夏

薑礬製各一錢五分

甘草 三分

老薑五片煎服。

蒸臍法

治霍亂欲絕。但胃中微有熱氣。用鹽填平。

臍中灼艾。不計壯數。即甦。

鍼法

刺少商穴。出血立愈。乾霍亂藥不能治。惟此

神效。屢試屢驗。

少商二穴。在大指端內側。去爪甲角如韭許。白肉

丹臺玉案

四卷

五

宛宛中刺之。

噎膈門

附梅核氣

噎者咽喉噎塞而不通。飲或可下。食則難食也。膈者。胃口隔截而不受。雖飲食暫下。少頃復吐。而不能容也。求其所以致病之由。要皆憂鬱不開。思慮太過。忿怒不伸。或驚恐時值。變故屢遭。汲汲遑遑。無安寧之日。以致內氣併結於上焦。而噎膈之症斯成矣。此皆處於逆境者然耳。至於素享富貴之人。亦有是症者。何哉。必因厚味所傷。酒色過度。虛火用事。真陰消鑠。

以至血液乾枯。頑痰膠固。結於咽喉之處。則成噎。結於胃口之處。則成膈。又有不因酒色而得者。亦當以血枯痰膩。及氣鬱治之。但審其所得之由。及觀其所稟之厚薄。方可用藥。如瘦人多火。其血亦乾。亦有因火而生痰者。肥人多濕。其痰易結。亦有因濕而生滯者。窮困之人。多憂鬱。經營之人。多思慮。不得志之人。多憤怒。遭变故之人。多驚恐。好酒之人。多痰火。好色之人。多積血。嗜味之人。多宿食。使氣之人。多惱怒。當細審而治之。不可以一端求也。又有所謂鼠噎者。見

丹臺玉案

四卷

五三

人卽不食。背人卽私食之。乃食鼠殘中毒所致。又豈可用一例治之乎。凡治此症。以開鬱消痰。順氣潤血爲主。斯得竅妙矣。

脉云

氣虛者。脉必緩而無力。血虛者。必數而無力。痰者。寸關沉滑。氣滯者。寸關沉而帶濇。

立方

透關散 治噎膈不通。痞滿氣結。飲食難下。

白芷 菘

子丁香

沉香

各四

青皮

醋炒

香附醋炒 橘紅

枳實各五錢 青礞石煨過三錢

右爲末每服二錢空心煮酒送下

神仙蒸臍法

治噎膈極危重症服藥不效用此法

神驗並一切五勞七傷諸虛百損遺精白濁痞塊

蠱脹中風不語婦人赤白帶下效妙種種不能盡

述

大附子

一箇重一兩童便浸焙

人參

白茯苓

鹿茸

青鹽

蓮蕊

真川椒各一錢

右爲細末填入臍中外用槐錢蓋上將蕪艾灸五

丹臺玉案

四卷

五十四

壯爲度

黃金散

治噎膈湯水不能下

螺螄

淘淨養於磁盆內俟吐

牛黃五分

右爲細末每服一錢燒酒送下

又方治鼠噎

鼠糞

燒灰存性

萊菔子

炒

白荳蔻

炒

沉香各五錢

右爲末每服二錢空心酒送下

分氣飲

治遠年近日噎膈神效

藿香

枇杷葉

貝母

去心

陳皮

各二錢

當歸

厚朴薑汁炒

沉香

香附

醋炒

蘇子炒

白豆蔻

各一錢五分

生薑五片煎服

二莖靈丹

治噎膈如神

雄黃

二錢

百草霜

五錢

乳香

硃砂各一錢五分

烏梅

十二箇

棗莖

黑荳

各四十粒

右為末。煉蜜丸。如芡實大。每用一丸。噙口中。不待

化盡。以白麵餅浸濕壓下。

坐功取效

丹臺玉案

四卷

五十五

淨心少坐。用意在丹田。直穿過尾尻。尾尻行至泥丸。

並九宮一轉。落下口中。虛嚥一口。送下。引至丹田。少

停再行。如此三十六遍。每日做七次。夜間做五次。七

日全愈。驗過數人。效妙通神。

附梅核氣

梅核氣。乃七情所傷。痰氣鬱滯。結在咽喉之間。吐不

出。嚥不下者。是也。

立方

加味二陳湯

治六鬱七情。神思所傷。結成痰核。芥

芥喉中。咯之不出。吐之不下。

白茯苓

陳皮

半夏

各一錢

厚朴

桔梗

枳實

黃芩

貝母

去心

蘇子

各二錢二分

甘草

肉桂

各二分

生薑三片煎服

丁香透膈丹

治一切梅核氣。

檳榔

半夏

薑製

木香

砂仁

炒研

枳殼

二兩芭荳四十九粒入內紫好酒醋煮乾去芭荳不用

橘紅

枳實

炒

白荳蔻

炒

沉香

丹臺玉案

四卷

五十六

貝母

各一兩

丁香

五錢

礪砂

三錢

草菓

炒

益智仁

炒各八錢

右爲末。每服一錢六分。薑湯送下。

脾胃門

五臟之有脾胃。猶五行之有土也。天一生水。得土之五而成六。地二生火。得土之五而成七。天三生木。得土之五而成八。地四生金。得土之五而成九。天五生土。復得土之五而成十。五行無土。不能成五行。五臟無脾胃。不能資五臟。脾胃者。五臟之本也。心肝肺腎。

不能容飲食。能容之者。脾與胃也。飲食入於脾胃。而  
味之苦者。先入於心。所謂火得土而成火也。味之  
酸者。先入於肝。所謂木得土而成木也。味之辛者。先  
入於肺。所謂金得土而成金也。味之甘者。本宮受之。  
而實所以調和五臟。所謂土又得土而後成也。夫然  
後腎水常滋。心火常淨。肝木調達。肺金清潤。而周身  
脈絡無不貫通。病無自而作矣。故善保身。惟養脾胃  
而已。若不節勞。卽傷脾。而四肢於是乎倦怠。不節食  
卽傷胃。而中脘於是乎痞塞。濕土之氣鬱而不發。則  
鼓脹黃疸之疾成。濕土之氣潰而下注。則痢疾瀉泄  
之病作。而脾胃之症。此爲極矣。不但已也。脾胃一傷。  
則五臟皆無生氣。由是爲腰痛。爲煩渴。爲膀胱脹滿。  
而腎斯病矣。爲恍惚。爲怔忡。爲煩燥。而心始病矣。爲  
吞酸。爲吐酸。爲脇脹。爲多怒。而肝始病矣。爲咳嗽。爲  
喘急。爲呃逆。而肺始病矣。五臟之病。雖亦有自爲病  
者。未可皆歸罪於脾胃也。而病之始於脾胃者。居多  
焉。人其可以不調理脾胃乎。要而言之。飲食勞倦。皆

宜有節。而二者之間。又以節飲食爲至要。蓋胃居脾下。飲食之所聚也。而尅化之權。則在於脾。脾覆乎胃。運闔闢之機。無一時而不動。胃火上升。脾火下降。氣常溫煖。是以飲食易消。若嗜味而過飽。則充塞胃口。上礙於脾。脾雖欲動。不能動矣。其能以尅化乎。此所以調理脾胃。又莫先飲食之節也。

脉云

脉喜沉細而緩帶洪數者。卽是病至。

立方

丹臺玉案

四卷

五六

加味四君子湯

調理脾胃。進飲食。

白茯苓

白朮

人參

各一錢二分

甘藷

陳皮

厚朴

蓮子

各一錢

水煎溫服。

參苓白朮散

治脾胃虛弱。飲食不進。或吐瀉日久。

大病後調理

人參

白朮

土炒

茯苓

去皮

山藥

炒各八錢

甘草

五錢

桔梗

白扁苳

炒

蓮子

炒去心

薏苡仁

炒各一兩

右爲末。每二錢。空心米飲湯送下。

平胃散 和胃健脾。祛濕消食。

蒼朮

米泔浸炒

陳皮 各一兩

甘草 炒三錢

厚朴 薑汁炒八錢

右爲末。每服二錢。白滾湯送下。

香橘飲 治脾臟不和。飲食不進。神思困倦。

白茯苓

香附 各一錢五分

石斛

橘紅

人參

砂仁 各二錢

棗二枚。煎服。

調中和胃丸 治脾胃不和。食後反飽。肌肉漸瘦。酒

丹臺玉案

四卷

五九

後泄瀉。

白朮 土炒

蒼朮 炒

半夏 薑礬製

厚朴 薑汁炒

砂仁 炒

白芷 炒

廣木香

薏苡仁 炒

澤瀉

各一兩五錢

肉苳蔻 麩包煨

沉香

山藥 炒各八錢

右爲末。以水法爲丸。每服二錢五分。空心白滾湯

送下。

中陽益胃湯 治脾虛胃弱。逢春口淡無味。過夏炎

天惡寒。

黃耆

人參

半夏

神麴

當歸

各一錢

黃連

柴胡

升麻

草苳薤

陳皮

甘草

各八分

棗五枚煎服。

心痛門

附怔忡驚悸健忘。

附顛狂。

附邪祟。

心痛者非真心痛也。乃心胞絡與胃脘痛也。然果何以知之。蓋心胞絡護捧其心。脉絡相係位居心之四旁。火載痰而上升。礙其所居。胞絡為痰相軋。故脂膜緊急而作痛。遂誤認以為心痛也。胃脘近心。位居心

丹臺玉案

四卷

卒

下。而絡於脾。飲食過多。不能剋化。傷乎胃脘。病根常在。畧傷飲食。即悶悶作痛。亦誤認以為心痛也。大抵痛而有痰。常覺惡心。嘔去痰即寬者。即為之心胞絡痛也。痛而作飽。時時噯氣。直至飢而緩者。即謂之胃脘痛也。又有痛時得飲熱湯酒而稍緩者。乃寒氣客於心脾之間也。又有心頭作痛。其痛應於背心者。乃憂鬱悲思積而成病也。又有心頭急痛。唇白毛豎。口吐黃水者。乃蟲之為害也。又有心頭結痰。逆氣上騰。如蟲攪擾。自覺胃中唧唧作聲者。非蟲也。乃瘀血隨

氣而動也。又有一月一發。或一月兩發。或二三月一發。其發也。疼極悶。或搔爬無措。涎水一湧而卽甦者。乃寒積於心脾之間。安堵不動。一爲惱怒勞倦所傷。則寒痰乘勢湧起。泛溢胃口。迷塞心竅。故悶疼而欲厥。涎水一湧而出。則胃口漸寬。心竅漸通。而復甦也。凡此皆可施治。惟平素原無心痛之疾。卒然大痛無聲。面青氣冷。咬牙噤齒。手足如冰冷者。乃真心痛也。蓋寒邪直犯君火。旦發則暮厥。暮發則旦厥。不救之症也。

丹臺玉案

四卷

六一

脉云

沉細小吉。浮大弦長者凶。厥血痛者。左手脉必清。花熱痛者。左手脉必數。積痰痛者。右手脉必實。大氣食痛者。肝部必弦。其氣口脉必緊。

立方

八寶蠲痛湯 治七情傷感。六氣爲病。心疼腹痛。不可忍。

可忍。

玄胡索

乳香

甘草

沉香

各一錢二分

官桂

八分

陳皮

當歸

白芷

各一錢

水煎温服。

補心湯 治心氣虛耗不能藏血以養心故心痛四

厥厥冷。

當歸

生地

各四錢

白芍

玄胡索

烏藥

丹皮

遠志

茯神

各一錢

龍眼肉五枚煎服。

愈痛散 治急心痛並胃脘痛。

高良薑

玄胡索

五靈脂

各一錢五分

蓬莪朮

當歸

各二錢

甘草

一錢

丹臺玉案

四卷

六十二

右爲末。每服二錢。空心酒送下。

秘方 治九種心忡。水米不下。痛不可忍者。一服立

愈。

沉香

子丁香

炒

阿魏

各五錢

大茴香

炒

石菖蒲

廣木香

乳香

檀香

各四錢

川椒二錢

砂仁

炒

玄胡索

各三錢

右爲末。好醋爲丸。每服一錢。白滾湯送下。

扶陽助胃湯 治一切心忡等症。

附子

童便製

乾薑

炮各一錢五分

乾薑

益智仁炒 人參

甘草

白芍酒炒

官桂各一錢

吳茱萸

陳皮

白朮

土炒各五分

水煎溫服。

又方

黃連酒炒

山梔仁炒

吳茱萸炒各五錢

荔枝核煨存性三錢

右為細末薑汁為丸每服一錢老酒送下。

附怔忡驚悸健忘。

人之所主者心。心之所養者血。心血一虛神氣不守。

丹臺玉泉

四卷

六十三

此怔忡驚悸之所肇端也。曰怔忡。曰驚悸。豈可無辨乎。心虛而停水。則胸中滲漉。虛氣流動。水既上乘。心火惡之。心不自安。使人有怏怏之狀。是則怔忡。心虛而鬱痰。則耳聞大聲。目擊異物。使人有惕惕之狀。或驀然而跳躍驚動。是則為驚悸。又有所為健忘者。為事有始無終。言語不知首尾。是也。治之之法。怔忡者與之逐水消飲之劑。驚悸者與之豁痰定驚之劑。健忘者與之定志安神之藥。總之要在調養心血。和平心氣而已。

脉云

寸口脉動而弱。跌陽脉微而浮。

立方

虎犀丹 治怔忡驚悸。因七情所傷。心神惑亂。健忘

等症。

虎睛一對 犀角

羚羊角

麥門冬

去心

生地

膽星各入錢

黃連薑汁炒

山梔仁

炒黑

遠志

甘草水泡

半夏薑汁製

石菖蒲

天麻

煨

棗仁

炒各一兩

辰砂

入錢為衣

麝香

甘草

各三錢

丹臺玉案

四卷

壹

金箔

二十張

人參

茯神

各一兩五錢

右為末。蜜丸。桐子大。每服三錢。燈心煎湯送下。

温膽湯

治心膽虛怯。觸事易驚。

半夏

薑礬製

竹茹

枳實

炒

橘皮

各四錢

甘草

炙

白茯苓

各二錢

加龍眼五箇煎服。

鎮心丹

治驚悸。

辰砂

龍齒

遠志醋煮各一兩

右為細末。猪心血為丸。如棗子大。每服一錢。麥門

冬煎湯送下。

琥珀育心丸

治怔忡驚悸日久不愈形容漸瘦

肢乏力

茯神

鬱金

遠志

各一兩

牛黃

三錢

龍齒

四錢

酸棗仁

黃連

各八錢

辰砂

五錢

真金箔

三十張

右為末。煉蜜為丸。辰砂金箔為衣。如欠實。大每日

蚤晚一丸。燈心煎湯調下。

加味定志丸

治肥人多痰驚悸

丹臺玉案

四卷

空五

天花粉

貝母

去心

瓜蒌仁

去油

白茯苓

各二兩

遠志

甘草水泡

石菖蒲

人參

琥珀

鬱金

各一兩

辰砂

六錢

右為末。蜜丸。辰砂為衣。每服二錢。白滾湯送下。

歸脾湯

治思慮過度。勞傷心脾。以至健忘。

人參

黃耆

白朮

各一錢

茯神

遠志

酸棗仁

當歸

各一錢

五分

木香

甘草

各八分

龍眼肉五枚煎服

養心湯 治心虛膽怯。健忘怔忡。不能成寐者。

玄參

白朮

麥門冬

當歸

白芍

生地各一錢

川芎

天麻

紫石英

栝子仁

棗仁

陳皮各八分

燈心三十莖煎服。

附顛狂

顛者異常也。平日能言。顛則沉默。平日不言。顛則呻吟。甚則僵仆直視。心常不樂。狂者凶狂也。輕則自高。自是好歌好武。甚則棄衣而走。踰牆上屋。又甚則披

丹臺玉案

四卷

李六

頭大叫。不避水火。且好殺人。然顛為心血不足。狂為痰火實盛。治狂專於下痰降火。治顛則兼乎安神養血。若神脫目瞪如愚癡者不治。

立方

安神養志丸

治顛瘖

當歸

生地

棗仁

黃連

玄參

白朮

人參

甘草

膽南星

各一兩二錢

右為末。荷葉湯為丸。每服二錢。空心白滾湯送下。

紫金錠

治顛狂二症。薑湯磨服二錢。

方見痰門

虎睛丸

治失心風顛發狂。精神恍惚。時作謔語。

虎睛一對 大黃酒蒸 遠志各一兩 山梔炒六錢

右為末。蜜丸。每服一錢五分。白滾湯送下。

墜痰丸

治痰火凝結於胃脘。以致顛狂。謔語妄言。

大黃酒煨 貝母去心 膽星 青礞石煨過

石菖蒲各一兩 麝香一錢 蛇含石煨紅醋淬七次五錢

右為末。薑汁為丸。每服一錢。空心白滾湯下。

附邪祟

丹臺玉案

四卷

六十七

凡人染邪祟。皆因精神衰乏。邪從而入。其脉乍大乍小。乍長乍短是也。

灸法

灸鬼眼穴。以兩手大指並縛定。用大艾炷騎縫灸之。務令兩甲角及甲後四處着火方效。

痞塊門

附嘈雜

附呃逆

痞者。否塞之意也。從病從否。故有痞之各焉。又以其堅實有形。故又各之曰痞塊。然是物也。從何而得之哉。蓋因成血不化。宿食不消。痰飲積聚而成也。有三

者併而成塊。有三者各自成塊。各自成塊者易治。併而成塊者難消。然果何以辨之。察其脉視其形而已矣。脉弦爲痰。脉滑爲食。脉芤爲血。三脉俱見。則併而成塊也。以其形而言之。宿食成塊者。居於中脘。視之則無形。按之則有質。在腸胃之間。以人之飲食皆入於胃。故不在皮裏膜外。其在皮裏膜外者。皆痰與血。蓋痰能流注於脂膜。血能運行於皮肉。痰積而不流。則脂膜之間爲其所據。而有形可見。血瘀而不行。則皮肉之間爲其所碍。而亦有形可見也。欲辨痰與血

之異。亦審其痛之何如耳。痛甚者爲血。痛不甚者爲痰。又手推不動者爲血。手推易動者爲痰。以熱物熨之。而痛緩者爲血。熨之而無所覺者爲痰。此痰與血之辨也。若痰血相成者。何以辨之。塊之所漸而大者。是也。蓋先有瘀血。而又有痰。以聚之。則以漸而大。先有積痰。而又有血。以併之。亦以漸而大。若單是血。或單是痰。無相併相聚之物。只如初起之形而已。何至以漸而大乎。然宿食成塊。亦未有不資於痰與血者。是何也。蓋飲食所傷者。惟中脘作痛。或按之硬實。而

已。初未嘗如彈丸之形者。使不資於痰與血。何以成塊乎。必先有硬飯。或魚與肉。或餛飩米團之類。一時失嚼誤咽。停於胃中。經月不能消化。碍其道路。血流過其處。又裹一層痰。與血共相裹之。則不能不成塊矣。裹一層則大一層。故始如彈丸。久則如栝如碗。其初尚隱於胃中。猶有質而無形。其後漸大。則腹皮頂起。而形外見矣。又有時升時降。時隱時見者。乃氣塊也。或左或右。或上或下。按之不見塊。不按又若有形。而漉漉作聲。乃停飲也。非塊也。此纔論其塊云耳。然

以其在人而言。則雖各有專病。又不可拘也。如婦人之塊。多惡血。而亦有氣成者。小兒之塊。多食積。而亦有痰成者。易怒之人。多氣癰。而亦有血成者。肥胖之人。多痰飲。而亦有食成者。當問其得病之由。或偶傷食。自此日而起。始也。或感受氣者。自此而起。或偶因負重勞力。自此日而起者。或平素有鬱痰膠固。偶發作而起者。在婦人。必審其月事之通閉。在小兒。必審其飲食之多寡。皆當以意求之。不能盡述也。

經曰積塊之脈必結伏。見在左。塊居左。見在右。塊居右。此其驗也。

立方

磨平飲 治瘀血成塊。奔走作楚。

紅花

桃仁

山楂

蘇木

各二錢

京三稜

蓬莪朮

枳殼

香附

烏藥

各一錢五分

水煎空心服。

萬靈丹 治痰積成塊。

丹臺玉案

四卷

辛

半夏

薑製 南星

薑汁炒

瓦礫子

煨

青礞石

煨

沉香

銼各二兩

青皮

醋炒

莪朮

醋煮

三稜

香附

醋炒

白芍

各一兩二錢

右為末。醋打糊為丸。每服二錢。空心酒送下。

立消丸 治飲食積聚成塊。

檳榔

草菓

炒

山查肉

葵麻子

炒各二兩

阿魏

酒燻化

三稜

莪朮

醋煮

廣木香

青皮

醋炒

香附

各一兩五錢

右為末。神麴六兩。打糊為丸。每服三錢。薑湯送下。

化痞丸 治積氣成塊并瘡母而成痞塊者神效

黑丑 半炒 半生 檳榔 沉香 阿魏 各一兩

針砂 醋炒 五錢 官桂 青皮 醋炒 白木 土炒

蒼木 米泔浸炒 枳殼 麸炒 半夏 薑製各一兩 二錢

右為末醋打麵糊為丸每服二錢空心薑湯送下

秘方消痞膏藥 內服丸子外以膏藥貼在塊上內

外挾攻定然消鎔

紅花 蓬朮 三稜 當歸 各四兩

兩頭尖 五靈脂 穿山甲 川烏

丹臺玉案 四卷 圭

生地 丹皮 巴豆肉 木鱉子 各一兩

前藥為咀片以蔬油觔半浸五日熬枯去渣再用

文武火煎至滴水成珠再入後藥

阿魏 沉香 銚末 乳香 研各一兩 蘇合油

麝香 研細 五錢 廣木香 銚末 子丁香 研細 檀香 銚各一兩 五錢

前八味俟藥油熬致滴水成珠緩緩加入即成膏

矣

附嘈雜

凡嘈雜皆因心脾二經虛火發動兩手寸關脉來弦

滑是也

立方

調脾抑火湯

治脾氣不足心中不時嘈雜。

白茯苓

黃連

山梔仁

白朮

各二錢

陳皮

黃芩

甘草

各一錢

水煎不拘時服。

又方

治心血少胃口嘈雜不時索食。

黃連

薑汁炒

當歸

人參

白朮

土炒各二錢

龍眼肉五箇煎服。

丹臺玉案

四卷

壹

附呃逆

者逆衝上皆屬於火古以為寒恐非也。治法須辨其餘不足而治。

脉云

浮而緩者易治。急者難治。

立方

橘皮竹茹湯

治大病後中氣不足呃逆不已。脉來

虛細。

人參

陳皮

竹茹

甘草

各一錢

棗五枚。生薑十片煎服。

解毒湯 治痰火相搏。呃逆不住。方見傷寒門

丁香竹茹湯 治中焦氣塞下焦呃逆。

柿蒂

陳皮

竹茹 各二錢 丁香 五枚

生薑五片煎服。

又方 治婦人產後發呃。

黃柏

當歸

知母

陳皮

各二錢

生地

川芎

竹茹

白芍

各一錢二分

生薑三片煎服。

丹臺玉案

四卷

三

### 腹痛門

腹位於人之中而統於脾胃水穀之府也。有寒客之。則直不行。有熱內生。鬱而不散。有食積。痰血濕痰。滯妨礙升降。有怒氣傷肝。木來尅土。有傷勞倦。血氣虛。則運化自遲。皆能作痛。又有蟲痛。暑痛。疝痛。疝聚痛。絞腸痛。痢痛。腸癰痛。種種不一。皆宜辨之。綿綿痛而無增洞。以熱手熨之。稍止。脉細沉而遲。小便清白。自利者寒也。時痛時止。痛處亦熱手不可近。口乾舌燥。小便赤澀。大便閉。或肛門如燒者火也。胃膈飽。

悶以手重按愈痛。欲大便利後則痛減者食也。痛在常處遇夜益甚。腹膨小便利。脉濇者。瘀血也。阻滯氣道。小便不利。其脉滑者。痰也。痛連兩脇。或攻注腰背。其脉弦者。怒也。若平素慎於飲食而視其肢體瘦弱。又不飽悶。但假假作痛。如細筋牽引者。血虛也。若肚腹常覺空虛。似餓非餓。翕翕作痛。呼吸如無氣力者。氣虛也。面黃肌瘦。肚大青筋。往來絞痛。痛定能食。面生白班。唇白毛豎。嘔吐清水。蟲也。暑痛傷暑。積聚痛。有形可按。疝痛引丸。絞腸沙痛。不吐不瀉。痢痛後重。

丹臺玉案

四卷

七

腸癰痛。臍生瘡。小便如淋。大槩大腹痛。屬太陰。多食積外感。臍腹痛。俱少陰。多積熱痰火。小腹痛。屬厥陰。多瘀血及痰。與溺澀。臍下如此推之。則寒熱虛實。明矣。

脉云

宜於沉細。忌浮大弦長。

立方

千金飲 治寒氣客於臟腑。腹中絞痛。或作嘔吐。

廣木香

磨

水烏藥

各二錢

乾薑

肉桂

各一錢

白芍炒 砂仁炒 甘草 木通各一分

水煎不拘時服。

拂手湯 治濕流入胃經腹中作痛時疼時止。

大黃酒蒸 青皮醋炒 石膏煨 黃連酒炒

甘草 白芍 厚朴薑汁炒 各二錢

水煎不拘時服。

稜木飲 治飲食凝積結聚腸胃并有寒邪滿腹痛

不可忍。

檳榔 三稜 蓬朮 草菓各一錢

丹臺玉案 四卷 堇

山查 白芍 麥芽 陳皮

砂仁 廣木香各一錢 甘草五分

水煎熱服。

至寶飲 治瘀血凝結肚腹絞痛如剗割者。

桃仁 當歸 川芎 紅花各一錢

烏藥 蘇木 青皮 大黃酒蒸 各二錢

酒水各一鍾煎服。

厚痛飲 治濕痰腹痛。

陳皮 半夏 甘草 白芍各一錢

香附

蒼朮

厚朴

膽星

青皮

烏藥

各二錢

水煎熱服。

化蟲丸

治腹中有蟲。疼痛難忍。唇生白班。嘔吐清

水。

廣木香

檳榔

雷丸

山查肉

蓬朮

烏梅肉

黑丑

炒熟各一兩

棟樹根

甘草

各五錢

右為末。燒酒加黑沙糖為丸。如菜荳大。每服二錢。

丹臺玉案

四卷

美

五更時白滾湯送下。

神仙蒸臍法

治一切肚腹疼痛。毋論虛實。氣血痰

食等症。一蒸即愈。屢屢神驗。

方見墮膈門

靈妙飲。治腹內作痛。而兼瀉。

白茯苓

蒼朮

猪苓

白苳仁

各一錢五分

澤瀉

厚朴

木通

沉香

各一錢

甘草

肉桂

各七分

生薑五片。食前服。

秘方參附丸

治氣血虛極。寒和凝結。臍膈終日腹

疼諸藥不效

大附子

童便製

人參

白芍

酒炒各一兩

肉桂

炒七錢

當歸二兩

甘草八錢

真沉香

一兩五錢

右為末。蜜丸。每服二錢五分。空心白滾湯送下。

凡痛宜用芍藥甘草。乃腹痛要用之藥。蓋芍藥味酸。能於土中剋木。甘草味甘。甘先入脾。而能緩痛。曲直作酸。酸者甲也。稼穡作甘。甘者巳也。甲巳化土。此仲景之妙法也。故芍藥甘草名曰戊巳湯。統治諸腹痛。而血虛腹痛者。猶效為甚也。

丹臺玉案

四卷

七

蟲門

附好喫壁泥。生米。茶葉。

蟲動物也。草木水土之中宜有之。何為而有於人之腸胃中乎。蓋蟲者亦得天地之氣以成形者也。而形不自成。必假於物而後成。如草腐而生螢。雀歿而生蛤魚爛而生蛆。皆舊有形之物。感陰陽之氣。而後形體成焉。人身小天地。而人之氣。即天地之氣也。然則蟲之生於腸胃中者。亦豈無所假而成哉。飲食入胃。不能消化。如魚鮮肉醢。生麵硬飯之類。停積于中。濕熱相感。稠粘膠固。資熱血以相成。得生氣以陶鑄。則

不動之物。悉成能動之形。頭尾皆具。而渾然一蟲類矣。其始也。因飲食而變。其既也。賴飲食以養。絞擾蟠結。食人精氣。飲人膏血。壞人臟腑。殀人命壽。蟲之爲害。可勝言哉。大凡難化之物。皆能生蟲。不但肉醃麵硬飯之類而已。若誤吞頭髮羽毛。尤其易生者也。不特此也。雖無質之物。亦能生焉。如濃茶濁酒。本無質者。而所澄之脚。最能成病。故有茶癖酒積之症。久之亦變爲蟲。成於茶者。常思食茶。成於酒者。必酷嗜酒。一日不獲所欲。則一日不能暫安。此其症也。又有所丹臺玉案

四卷

七

謂癆蟲者。又何所自而生耶。蓋癆蟲卽屍蟲也。勞疾之人。多瘀血。瘀血不消。得火煨煉。遂成細蟲。其色變赤。無翼而能飛。或隱或見。其來也不測。皆血之所化也。以黃爲血所化。故比諸蟲則甚靈焉。血統於肝。則藏。藏故。此蟲者。鬼之所依也。病人旣歿。鬼隨蟲出。好覓同氣。同氣之親。不幸而染之。則成傳屍勞症。此又蟲之可畏也。然蟲病人。常有之。何以灼知其真。而藥殺其。自有形症可見也。蟲病之人。面黃肌瘦。唇白毛。墜。容顏不澤。臉多白印。時覺惡心。口吐清水。或心腹

絞痛飲食不為肌膚或頭髮淨淨。灑浙惡寒。或額面生瘡。濕癢沿連。皆其症也。如此詳察。則可以用藥矣。

脉云

脉虛小者生。緊急者死。

立方

尋蟲散 治大人小兒腹內諸蟲。

白丑一半 黑丑一半 雷丸

檳榔各一兩

廣木香五錢

右為末。每服三錢。黑沙糖調下。

丹臺玉案

四卷

七

檳棟飲 治諸蟲積久。肚腹脹大。

檳榔五錢 苦棟根六錢向東南者洗淨

水一碗。入黑糖少許煎服。

寶鑑化蟲丸 治蟲咬心痛。

鶴虱去土 檳榔 苦棟根各一兩

白礬枯過三錢 胡椒炒入錢

右為末。米糊為丸。如粟米大。大人服八分。小兒服

三分。米飲湯送下。

又方 治小兒口中常吐出蟲。

黑錫灰 檳榔 各等分

右為末每服一錢花椒煎湯送下。

追蟲至寶丹 治五臟諸蟲面黃膚瘦四肢疝羸肚

腹膨脹飲食減少蟲咬心疼癥瘕積塊並皆治之。

大黃 四兩 雷丸 檳榔 廣木香

玄胡索 各二兩 山查 各二兩 貫眾 去土 黑丑 半生

三稜 醋炒 使君子肉 各一兩 蛇含石 煨醋淬

右為末甘草煎水為丸每服三錢五更時白滾湯

送下。

丹臺玉案

四卷

今

又方 治好喫壁泥。

黃泥 一觔 砂仁 四兩

右為末黃連熬膏為丸每服二錢五更糖湯下。

又方 治好喫乾茶葉並茶癖。

寒水石 煨 蒼朮 炒 黃芩 酒炒 薄荷葉

膽星 各三錢 白芍 酒炒 朱橘皮 使君子肉

右為末黑沙糖神麩打糊為丸每二錢空心糖湯

下。

祛蟲丹 治小兒疳蟲面黃肌瘦肚腹膨脹。

大蝦蟆

一隻將砂仁實其腹中剉掛。當風陰乾。炙脆為末。

人參

白朮

土炒

檳榔

使君子肉

炒各一兩

針砂

醋炒

胡黃連

山查

麥芽

各一兩五錢

右為末。水法為丸。每服二錢。空心白滾湯下。為散。

用糖調下。

又方 治好喫生米

藿香

蒼朮

泔水浸炒

神麩

名一兩

厚朴

薑炒

雷丸

各二兩

白朮

土炒

石膏

煨

粟米

各一兩二錢

右為末。以沙糖水調。每服二錢。空心下。

丹臺玉案

四卷

八十一

右為末。以心餅水隨每服二錢。空心下。

雷丸

各二兩

白朮

土炒

石膏

煨

粟米

各一兩二錢

右薑香。男連。蒼朮。

氣炒

麻岐

各一兩

氣林

薑炒

天石 米投與生米

用餅調下

右為末。水法為丸。每服二錢。空心白滾湯下。為散。

右怪石

醋炒

附黃

煨

山查

各一兩

麥芽

五錢

下人參

白朮

土炒

附黃

煨

附子肉

炒各一兩

大熟藥

用當風劉薄。炙細為末。一其性如口實與熟中。

